

Tercatat dalam perlembagaan parti Hanya Umno pertahanan raja2

Bahan asal dari Akhbar
Negeri Malaysia

PASIR MAS, Jumaat — Menteri Kebudayaan, Belia dan Sukan, Encik Anwar Ibrahim menegaskan tidak ada parti politik di negara ini yang boleh mempertahankan kedudukan raja-raja, selain dari Umno, kerana tanggungjawab mempertahankan kedudukan raja-raja telah termaktub dalam perlembagaan parti itu.

Tegasnya, antara parti-parti politik di negara ini hanya Umno yang menyebut untuk mempertahankan kedudukan Raja-Raja Melayu sebagaimana yang termaktub dalam salah satu fasal dalam perlembagaan parti itu.

"Soal kekuasaan raja-raja, kedudukan raja dan hak istimewa orang Melayu, tidak terentat dalam mana-mana perlembagaan parti politik lain, selain dari Umno," tambahnya.

Ketua Pergerakan Pemuda Umno Malaysia itu menegaskan demikian ketika berucap di majlis sivik sempena perayaan tahun baru Hijrah 1404, anjuran Pergerakan Pemuda Umno Bahagian Pasir Mas, di dewan majlis daerah, di sini malam tadi.

Mengikis

Beliau mengemukakan pemimpin dan penyokong DAP yang cuba "menanggung di air keruh" berikutan isu pindaan perlembagaan negara dengan memutar-belitkan hakikat sebenarnya.

"Ada pemimpin dan penyokong parti itu cuba menggagalkan usaha pindaan perlembagaan yang telah diluluskan oleh Parlimen baru-baru ini, kononnya tindakan mereka itu untuk mempertahankan kedudukan raja-raja," ujarnya.

Encik Anwar menyeru ahli-ahli Umno mengikis segala dakyah golongan yang mengelirukan rakyat, khususnya masyarakat kampung di negara ini.

Katanya, golongan itu berpendapat, sekiranya pindaan itu dilaksanakan ia akan menjejaskan kedudukan dan kekuasaan raja-raja.

"Pindaan perlembagaan itu, jelasnya, tidak sedikit pun akan menjejaskan kedudukan baginda raja-raja, bahkan akan mempertahankan lagi kedudukan raja-raja di negara ini.

Tujuan pindaan itu semata-mata untuk mengemaskinikan undang-undang negara sesuai dengan keadaan negara sekarang, lagipun undang-undang negara telah dipinda berkali-kali, tambahnya.

"Jadi, soal pindaan

perlembagaan itu boleh menjejaskan kedudukan raja-raja tidak timbul sama sekali dan tidak perlu dipertikalkan," tambahnya.

Katanya, pindaan perlembagaan itu tidak lari dari prinsip-prinsipnya, di mana kedudukan raja kekal sebagai payung negara dan lambang pertuanan orang-orang Melayu.

"Tegasnya lagi, negara ini tidak akan menjadi sebuah negara republik sebagaimana Iran, selagi Umno berkuasa dan orang-orang Melayu masih kekal di tanah tumpah darah mereka.

"Pergerakan Pemuda Umno tidak rela dan menanding berat kiranya ada golongan yang cuba menanggung di air keruh berikutan isu pindaan perlembagaan itu," tegasnya.